

न्याः स या॒सामे॒कं प्रथ॒माहं॑ दो॒ग्ध्यथ॑ द्वाव॒थ त्रीं॑स्ताः पर॒उर्वी॑रिथ या॒सां त्रीन्प्रथ॒मा-  
हं॑ दो॒ग्ध्यथ॑ द्वावथै॒कं ताः॑ प॒रोऽहो॑र्या वै प॒रोऽहो॑स्ताः पर॒उर्वी॑र्याः पर॒उर्वी॑स्ताः  
प॒रोऽहो॑ः ॥ २६ ॥ तप॒सा वै लो॒कं ज॑यन्ति । तद॒स्यैत॒त्परः॑-पर ए॒व व॒रीय॑स्तपो  
भव॒ति परः॑-परः श्रेया॒ऽसं लो॒कं ज॑यति व॒सीयानु॑ ह॒वास्मि॑लो॒के भव॑ति य ए॒वं  
विद्वान्प॒रोऽहो॑रुप॒सद॒ उपै॑ति तस्मा॒ड् प॒रोऽहो॑रि॒वोप॑सद॒ उपेया॑ग्य॒द्यु द्वा॒दशो॑प॒सद॒  
उपेया॑त्ती॒श्चतु॑रहं॒ दोह्ये॑द्द्वौ चतु॒रहमे॒कं चतु॑रहम् ॥ २७ ॥ ब्राह्म॒णम् ॥ ५ [४. ४] ॥  
तृतीयः प्रपाठकः ॥ कण्डिकासंख्या १२१ ॥ ॥ चतुर्थोऽध्यायः [११] ॥ ॥

तद्य एष पूर्वा॒र्धो व॒र्षिष्ठ॑ स्थू॒णारा॑जो भ॒वति । तस्मा॑त्प्रा॒ङ् प्र॒क्राम॑ति त्री॒न्वि-  
क्र॒मांस्त॒हङ्कुं॑ नि॒रुन्ति॑ सोऽ॒न्तःपा॑तः ॥ १ ॥ तस्मा॑न्मध्य॒माहङ्कोः॑ । दक्षि॑णा प॒ञ्चद॑श  
विक्र॒मान्प्र॒क्राम॑ति त॒हङ्कुं॑ नि॒रुन्ति॑ सा द॒क्षिणा॑ श्रो॒णिः ॥ २ ॥ तस्मा॑न्मध्य॒माहङ्कोः॑ ।  
उ॒दङ् प॒ञ्चद॑श विक्र॒मान्प्र॒क्राम॑ति त॒हङ्कुं॑ नि॒रुन्ति॑ सो॒त्तरा॑ श्रो॒णिः ॥ ३ ॥ तस्मा॑न्म-  
ध्य॒माहङ्कोः॑ । प्रा॒ङ् षट्त्रिं॑शतं विक्र॒मान्प्र॒क्राम॑ति त॒हङ्कुं॑ नि॒रुन्ति॑ स पूर्वा॒र्धः ॥ ४ ॥  
तस्मा॑न्मध्य॒माहङ्कोः॑ । दक्षि॑णा द्वा॒दश विक्र॒मान्प्र॒क्राम॑ति त॒हङ्कुं॑ नि॒रुन्ति॑ स द॒क्षि-  
णोऽ॒न्तः ॥ ५ ॥ तस्मा॑न्मध्य॒माहङ्कोः॑ । उ॒दङ् द्वा॒दश विक्र॒मान्प्र॒क्राम॑ति त॒हङ्कुं॑ नि॒रु-  
न्ति॑ स उ॒त्तरोऽ॒न्त ए॒षा मा॒त्रा वे॒देः ॥ ६ ॥ अथ॑ य॒त्त्रिं॑शद्विक्र॒मा पश्चा॑द्भवति ।  
त्रिं॑शदक्षरा वै वि॒राड्वि॒राजा॑ वै दे॒वा अ॒स्मि॑लो॒के प्र॒त्यति॑ष्ठस्तथोऽ॒वैष॑ एतद्वि-  
रा॒जैवा॒स्मि॑लो॒के प्र॒ति॒ति॒ष्ठति॑ ॥ ७ ॥ अथोऽ॒पि त्र॒यस्त्रिं॑शत्स्युः । त्र॒यस्त्रिं॑शदक्षरा  
वै वि॒राड्वि॒राजै॒वास्मि॑लो॒के प्र॒ति॒ति॒ष्ठति॑ ॥ ८ ॥ अथ॑ यत्षट्त्रिं॑शद्विक्र॒मा प्रा॒ची भ॒-  
वति॑ । षट्त्रिं॑शदक्षरा वै वृ॒हती॑ वृ॒हत्या॑ वै दे॒वाः स्वर्गं॑ लो॒कं स॒माश्रु॑वत त-  
थोऽ॒वैष॑ एतद्वृ॒हत्यै॒व स्वर्गं॑ लो॒कं स॒माश्रु॑ते सोऽ॒स्य दि॒व्याह॑वनी॒यो भव॑ति  
॥ ९ ॥ अथ॑ यच्चतुर्विं॑शतिविक्र॒मा पु॒रस्ता॑द्भवति । चतुर्विं॑शत्यक्षरा वै गाय॒त्री पू॒-  
र्वा॒र्धो वै यज्ञ॑स्य गाय॒त्री पू॒र्वा॒र्ध एष॑ यज्ञ॑स्य तस्माच्चतुर्विं॑शतिविक्र॒मा पु॒रस्ता॑द्भव-